

三水縣志卷之十

秩官傳

秩官何以傳傳其實非傳其名也以廉而傳以知而傳以能而傳以勇而傳以勲業而傳以節義而傳郡縣秩官傳卽史記循良傳之遺意也

國家整飭官方澄清吏治化理蒸蒸日上肆以蕞爾之邑賴賢明官長分猷布化翕然稱治迄今或專祠祭或勒碑銘採掇芳徽登諸簡冊以垂不朽召棠萊栢不能專美於前矣雖惡惡欲短而善善欲長亦必據實紀錄毋黨同浮譽致貽譏信史也志

秩官傳

知縣

郭梅江西吉水人舉人嘉靖十八年來知縣事心存慈愛爲政不擾民到于今稱之

朱端明福建莆田人舉人嘉靖二十三年來尹三水沉重敦慈臨民誠信有朱老實之稱禮賢士大夫如恐不及邑民何葉盛妻陳氏自十九孀守年逾旌期月給絹米獎異之及其卒也遣吏致祭庠生陳峻栢者母羅氏守節未及旌年侯爲立傳以俟之凡侯措理一一皆畱心風化邑民有能以禮義

率族者莫不隆禮待之又新櫺星門砌縣前街植
河旁樹至今林木成蔭人以比甘棠云

周文燦號肖巖福建閩縣人舉人嘉靖三十一年來
令三水心存清淨政尙廉平邑初置百度草創侯
至首設祭器以正從前簡陋徐捐資修理學宮諸
所廢圯槩撤而新之邑當衝要每部院會宴供億
繁難侯營行臺於河旁無復臨時鋪陳彩帳之擾
立演武場創迎春亭建庫樓皆侯經理先是二十
九年海寇突入縣城取藏逾千而去故侯至卽有
庫樓之建三十二年大羅山賊焚劫胥江侯以單

兵退賊三十三年西山流賊復屠胥江賴侯稍全
民歌之曰周侯生我有兵獲私鹽爲有勢力者家
人侯不以情撓法竟麗于罰諸所不便於民者毅然
去之後當道以材薦調六合縣一時士民雖幸
公道之昭而實大失望矣崇祀名宦

陶守訓字允徵號望沙廣西平樂人舉人嘉靖三十
八年來令本邑治存大體其始至也邑河下有抽
分廠商苦之直于巡按卽力爲申罷所條議立千
戶所添里圖革冗員裁吏役防倭寇悉乃心力具
載文移邑西二十五里爲竈岡圍計田數拾萬畝

居民數千家介於西北二江間潦溢堤頽侯躍然
如已溺也卽親履經畫築之視故堤高數尺厚倍
之法自已出至今呼爲陶公堤邑之良岡鎮在高
要壤內時苦寧浪流賊侯申議築土城請其鄉之
致仕鄧國賓董之舊于城外東偏築二臺一祀山
川一祀社稷二壇并列于禮弗稱侯乃改立壇壝
祀社稷于城外之西南祀山川於城外之東南立
三江書院以淑士又以邑編役太重而舖兵率皆
冗設且因公文已入驛遞可以裁減乃申議裁其
冗者減編以寬民一分之賜自置邑來原以民壯

五十名守胥江巖石營後巡按蔡 謂界屬上遊
地虛無衛增壯額五十名協守民稅加編里排苦
之迫侯時安戢久矣乃申議巖石營壯槩撤回城
而裁其新增者以胥江司弓兵分二十名守界牌
地方遇警飛報分枝策應民又賴以減編凡侯爲
政皆先定規模而後從事不爲小惠尤加意士類
篤行鄉約部使按他邑輒誡其令曰汝如三水之
陶則可矣政通人和乃集庠士始輯縣志存實事
不治文辭李公義壯謂其爲政有本治邑六年擢
去民爲立碑縣南門西思之崇祀名宦

鄭孔道福建閩縣人舉人嘉靖四十三年令三水剛正廉能不假借近習不徇情權勢讞決之案每朝造而夕剖故當時質成者有斗米鄭之稱以不苦畱難也其節用愛人者見於夫單之立其輯境安民者賴有賊首陳階李玉之除經知縣虞瑀申請名宦以時方顯庸未艾府議身歿另申至

國朝康熙四十九年知縣鄭玟詳請崇祀名宦

甘汝遷廣西富川人選貢萬曆十九年來知三水縣事儉朴慈祥所服衣冠澣濯不棄單騎講

六諭躬親解說必使衆志曉白不爲虛文加禮者年

猶屬意子弟之雋穎者皆能接見撫摩樂育令人
父母親之邑大旱積誠爲文祈于城隍神三日不
雨侯乃自繫以禱須臾滂沱四徧時人謂之眞甘
澤園土裁疫必躬禳之胥水賊蛋麥孔陽等夜則
十蛋啣尾夾以長桅遠望之如長船衆力操之其
捷如飛遇貨艘往來無不得者殺人擇深潭沉之
尋拆桅復爲小蛋又作奔報哨守狀官兵截捕竟
茫無賊踪如是逾年道路苦之而不知其故侯廉
得其情親往詰之召善沒者至潭撈骨爲證屢沒
不能得爲其潭至深不可盡沒侯爲焚香告天執

沒者之手硃批之曰取骨伸冤遂所入成抱而出
蛋賊盡平每或公事至會城他邑有疑事難決者
上臺悉以委侯畱駐海珠寺逾月鞫理有業箕者
爲人家整補舊箕箕斷自傷其腹而死誣告人家
刺殺之沉獄數年侯爲詳察白上臺出之合郡悉
頌神明其爲政要多類此崇祀名宦

閔之聞字德懋號中孚四川仁壽人萬厯庚戌來尹
三水初至捐俸修學草耗甦民捕獲真盜立置之
法保護良善一時賴之水災親勘暑雨不以爲勞
修葺圩基多所捐助前令頗爲民苦侯至立起瘡

痍凡

文廟及羣小祀牲帛器皿必周省視對越必嚴趨蹌
必謹中規中矩務爲諸士之範尤扶植士氣有廩
生陳羔性素醇謹爲橫弁林魁率兵王忠王漢毆
辱有據侯特爲通申正法一時强暴惴惴屏息至
左右胥役動以守法相誡不敢爲奸後知桂林取
道三水土民爭買舟願得一見爲立祠城內南門
之東以祀之至

國朝康熙四十九年崇祀名宦

何夢駿字履悌福建晉江人萬厯甲午舉人四十三

年任三水初至縣集官吏視庫藏空無一物藏中
椽柱又敝衆駭謂宜申聞候視敝椽蟻蛀也土異
色而鬆怪之卽呼鍛者以土付之鞣尋獲白金如
故額人服其卓識侯居官清慎法有操縱期便于
民事無大小悉殫其心常建學宮前天衢雲路二
坊邑故多盜侯嚴緝捕而慎板誣民始安枕觀察
黃公又謙常親行縣察追徵櫃貯耗多寡率無羨
歎曰三水賦法冠一方矣言之兩臺益重侯云

高其昌號吉生浙江臨安人由舉人厯任四載清慎
明敏游又簿書循良有同稱焉蒞事之始首立相

觀社以課造多士嗣是而邑之貢於鄉如劉明新
吳賡元何嘉元何瑗有皆侯所作養者雅化迄今
猶在先是奉徵餉於縣以縣之大小爲額前縣吝
之是年考入儒童本邑遂以小縣額取侯董事卽
捐餉補解邑中縣之額以復時又奉稅間架侯力
請減以恤貧戶諸如修邑志以彰文獻建書院以
祀先儒增城牒置學田善政不可枚舉至其冰蘖
自凜直以爲固然耳旋膺烏府剡薦陟延安郡貳
邑人扳轅哀號越數十年至今口碑猶嘖嘖若道

前日事

羅儀則字崔在江西南昌人由歲薦廷對稱旨特賜
進士出令三水爲人古以朴悃幅無華履任之始
諸務未遑先行課試每月吉讀法後卽進諸生於
學取經書而訂論之多士環橋以聽咸謂文翁橫
渠先哲復見云辛巳西潦決大路竇延浸直抵南
順民其魚乎公毅請於制憲沈公得行賑濟連月
舍郊督率築基是秋書大有焉復捐俸建廟于堤
買祭田以供歲祀遺碣永垂不朽至如開文明門
築青雲路建文昌閣皆竭經營以垂利賴者後竟
以朴率去官公怡然也所建有遺愛祠二一在河

旁廟右一在青雲菴邑人迄今猶尸祝焉

陳億福建福清人由生員順治四年隨征委署縣篆未及一載卓有循聲時值水師霍師連叛犯城與二尹薛某縣尉林景祚教諭江南紀同時被害同官爲寮其捐軀爲國之誠從容死難之節洵足以凌霜貫日矣爲表章之所以弔其忠節也若夫闡揚精忠崇祀名宦則以俟諸君子

蘇 嶠字義月河南汲縣人康熙八年以進士來尹

茲土邑當衝津供張絡繹侯持以鎮靜大差過而民不擾夏稅秋糧皆以時辦捐資葺黌宮興義塾

民甚德之邑志修於前明

熙朝開國以來多有沿革侯輯而新之典章文物燦然
具備政成循卓有聲尋以任滿去康熙六十一年
崇祀名宦

王永名號應五三韓人以勲胄裔綰符來蒞三水康
熙二十一年任下車時邑有水患新生高豐二圍
被決桑田悉魚宅侯卽具文申請優恤其各圩未
決而垂危者侯親履其所督率補救賴以無恙其
爲政精明強幹燭察幽隱如神然亦不任己意遇
事咸詢父老如一切假命誣告侯察其妄卽庭鞫

訶責而遣之其片言折獄類如此催科不事鞭笞
但以溫言勸諭而民亦樂輸三江胥江等畝積逋
至二千四百兩俟憫其困苦難辦竟出已橐代墊
之給與完單無幾微恡色方耕鑿時單騎行隴畝
中給酒肉勞農夫其加惠吾民類如此邑當孔道
皇華憲節流水接軫民力疲困俟每詣上憲悉力
言之稍獲節省兵燹後邑內營建廢圯殆盡前令
或修或輟艱于財力自俟蒞任樂修建次第告成
若學校義學義倉官亭一時輪奐聿新種種美績
曷可不傳